

Siglientà cun success il grip sur la via dal Güglia

■ (cc) Suentar ch'in toc dal grip era crudà ils 6 da november 2012 sin la via dal Güglia tranter Rona e Mulegns periclita- van parts dal grip instabilas pli grondas er vinavant la colliaziun da traffic impur- tanta cun l'Engiadina. Per segirar durai- vlamain la via principala han ins laschè vegnir a val il venderdi suenter mezdi – cun ina siglientada da segirezza control- lada – parts dal grip instabilas d'ina di- mensiun da circa 300 meters cubic.

L'analisa da la paraid-crap sut Nascha- regnas tras ils geologs da l'uffizi da con- strucziun bassa ha mussà che ulteriuras parts dal grip pli grondas d'ina dimen- siun da circa 300 meters cubic pudessan baud u tard vegnir a val e periclitar la via dal Güglia. En quest lieu è il grip da chaltschina plain stresas e sfendaglias. Immediatamain suenter ch'il toc dal grip era crudà sin la via è ina interpresa spe- zialisada vegnida incumbensada da sta- bilisar resp. da nettegiar la paraid-crap critica. La metoda la pli economica e du- raivla è stada quella da siglientar las parts dal grip periclitadas. Per quest intent èn vegnidas furadas cun pressiun auta foras da mina d'ina lunghezza da 2 fin 12 me- ters e d'in diameter dad 85 millimeters da surengiu en las parts dal grip instabi- las. Las foras da mina èn vegnidas char- giadas curt avant la siglientada il vender- di en damaun.

Il maister siglientader ha envidà las chargias explosivas il venderdi a las 13.30. La via dal Güglia tranter Rona e Mulegns ha stuì vegnir serrada da las 13.00 fin las 15.00 per tut il traffic. In sviament è stà pussaivel mo sur il Pass da l'Alvra u sur il Pass dal Flüela. Pervia da las stgaglias da l'explosiun è in vast con- turn da la zona da privel vegnì serrà er per pedunas e peduns e per aspectaturas ed aspectaturs. Suentar la siglientada dal grip han ils geologs controllà sch'igl haja anc eventualas restanzas da grip instabi- las sin la surfatscha siglientada avant che la via ha puspè pudì vegnir averta.

Quest'emna vegnan fatgas las lavurs da nettegiada en il sectur da la paraid, nua ch'igl era scumandà fin ussa da lavu- rar pervia dal privel da crudada da grip- pa. Suentar po il bloc da chaltschina da circa 80 meters cubic sin la via dal Güglia vegnir demolì senza privel, ed il traject da la via donnegià po vegnir reparà. Pre- visiblamain la fin da november vegn la via dal Güglia puspè averta per il traffic e vegn il sviament prendì ord funcziun.